




ՎԵՀԱՓԱՌ ՀԱՅՐԱՊԵՏԻ ՈՒՂԵՎՈՐՈՒԹՅՈՒՆԸ ՓԱՐԻԶ

Սույն թվականի փետրվարի 22-ից մինչև մարտի 9-ը Նորին Սուրբ Օծություն Ս. Տ. Վապգեն Ա Ամենայն Հայոց Վեհափառ Հայրապետը ոչ պաշտոնական այցով եղավ Փարիզում: Այս առթիվ Հայոց Հայրապետին ողջեցում էին Արարատյան հայրապետական թեմի առաջնորդական փոխանորդ Ս. Գարեգին եպիսկոպոս Ներսիսյանը և Մայր Աթոռի միաբան Ս. Ասողիկ արքեպսկոպոսը:

Փարիզի հայոց առաջնորդարանում Ամենայն Հայոց կաթողիկոսը հանդիպում ունեցավ Փարիզի հայոց Կրոնական Ընկերակցության և Ներկայացուցչական Ժողովի մի շարք պատասխանատու անդամների հետ՝ գլխավորությամբ Փարիզի հայոց առաջնորդ Ս. Գյուտ եպիսկոպոս Նազգաշյանի: Հանդիպման ընթացքում տեղի ունեցավ մտքերի փոխանակություն ֆրանսահայ թեմը նոր կանոնադրությամբ օժտելու հարցի շուրջ: Առավել հստակվեցին ֆրանսահայ թեմի վերակազմակերպման, նրա ղեկավարման սկզբունքների հետ կապված որոշ հարցեր: Թեմական նոր կանոնադրության նախագծի կազմությունն ընթացքի մեջ է: Կանոնադրության պատրաստման համար ստեղծված է հատուկ իսնձնաժողով, որի մեջ ընդգրկված են ֆրանսահայ մի շարք իրավագետ ակադեմիկոսներ:

Վերոհիշյալ հարցի շուրջ հանդիպում և խորհրդակցություն տեղի ունեցավ նաև Վեհափառ Հայրապետի և Լիոնի շրջանի հայ եկեղեցական վարչության անդամների միջև, որոնք Փարիզ էին ժամանել՝ գլխավորությամբ Ս. Նորվան եպիսկոպոս Չաքարյանի:

Ամենայն Հայոց Հայրապետը հնարավորություն ունեցավ նաև պրավլելու Փարիզում «Զայն Եկեղեցվո» անունով Հայ Առաքելական Եկեղեցու կրոնական մի պարբերաթերթ իրատարակելու ծրագրի իրականացման հարցով: Այդ նպատակով կազմված իսնձնաժողովի անդամները, Ս. Գյուտ եպիսկոպոսի գլխավորությամբ, խորհրդակցական մի հանդիպում ունեցան Վեհափառ Հայրապետի հետ:

Փետրվարի 28-ին Փարիզում Հայոց Հայրապետը ընդունեց այցելությունը Վենետիկի Մխիթարյան Միաբանության ներկայացուցիչների, որոնք Ամենայն Հայոց կաթողիկոսին հանձնեցին միաբանության Ընդհանուր Աթոռակալ Հայր Բարսեղ վարդապետ Չեպիճյանի ընդարձակ պեկուցագիրը Ս. Ղապար վանքի տնտեսական ներկա տազնապալի վիճակի մասին: Այա մարտի 7-ին Վեհափառ Հայրապետին այցելեցին Մխիթարյան Միաբանության «Օժանդակ Մարմնի» մի շարք անդամներ՝ գլխավորությամբ Հայր Ռաֆայել վարդապետի և «Օժանդակ Մարմնի» նախագահ պր. Վահե Յազմատարյանի, որոնք Հայոց Հայրապետին մանրամասն տեղեկություններ հաղորդեցին ֆինանսական այն ծանր կացության մասին, որին ենթարկված է այժմ միաբանությունը: Այս առիթով Մխիթարյան Միաբանության և «Օժանդակ Մարմնի» ներկայացուցիչները խնդրեցին Ամենայն Հայոց Հայրապետին, որ իր բարձր հեղինակությամբ իր բարոյական նպաստը բերի ստեղծված տնտեսական տազնապի բարվոք լուծմանը: Նորին Սրբությունը, բաժանելով միաբանության վիշտը, պատրաստակամություն հայտնեց հնարավորության սահմաններում օգտակար լինելու:

Մարտի 3-ին, կիրակի օրը, Վեհափառ Հայրապետը Փարիզի հայոց Ս. Հովհաննես Մկրտիչ Մայր եկեղեցում ներկա եղավ սուրբ պատարագի արարողությանը և արտասանեց հոգեշեն մի քարոզ ի մխիթարություն եկեղեցում հավաքված խուռներամ հայ հավատացյալների:

Փարիզում գտնվելու օրերին Հայոց Հայրապետը հանդիպումներ և տեսակցություններ ունեցավ հայ եկեղեցական համայնքների, հասարակական գործիչների, ինչպես նաև «Յառաջ» օրաթերթի խմբագիր Արփիկ Մխաթյանի և «Աշխարհ» թերթի ներկայացուցիչ Արտավազդ Պերպերյանի հետ:

Փետրվարի 28-ին Վեհափառ Հայրապետը ընդունեց այցելությունը Լոնդոնից ժամանած Անգլիայի հայոց թեմակալ առաջնորդ Տ. Եղիշե եպիսկոպոս Կիպիրյանի՝ և Լոնդոնի հայոց Ս. Սարգիս եկեղեցու Խնամակալության նախագահ ձորձ Քյուրքճյանի և զորոց ունեցավ նրանց հետ եկեղեցական ընթացիկ հարցերի շուրջ:

Մարտի 2-ին Վեհափառ Հայրապետը ընդունեց նաև այցելությունը Նյու Յորքից հատուկ ժամանած Տիկին Լուիզ Սիմոնի, իսկ մարտի 4-ին՝ Բոմբեյի հայ համայնքի ներկայացուցիչ Տիկին Նվարդ Մեդայի:

Մարտի 11-ին Նորին Սրբությունը վերադարձավ Մայր Աթոռ:

